

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Onartu dira datorren udaberrian deituko den irakasleen EPEaren 73 plazen espezialitate eta hizkuntza-eskakizunak

Oposizioak 2019an egingo dira eta Lehen Hezkuntzako 50 espezialitate-plaza eta Haur Hezkuntzako 23 eskainiko dira

Asteazkena, 2018.eko urtarrilak 17

Foru Gobernuak gaurko bilkuran onartu ditu Hezkuntza Departamentuko 73 irakasle-lanpostu hutsei dagozkien espezialitateak eta hizkuntza-eskakizunak. Plaza horiek martxoaren 25eko 20/2015 Foru Dekretuaren bitartez onartutako enplegu publikoaren eskaintzaren barne daude, eta maiatzaren 4ko 27/2016 Foru Dekretuan aldatu ziren. Hala, 2015eko martxoan Hezkuntza Departamentuko enplegu publikoko eskaintzan definitu gabe gelditu ziren plazei dagozkien hizkuntza-eskakizunak zehaztu dira.

Funtzionario-erregimeneko 73 irakasle-lanpostuak, B mailakoak, honakoetan banatzen dira: Haur Hezkuntzako espezialitateko irakasle-kategoriakoak dira lanpostuetatik 23, plaza horietatik 12 euskaraz eta 11 gazteleraz direnak; gainera, Lehen Hezkuntzako espezialitateko 50 irakasle-plaza deitzen dira, 27 euskaraz eta 23 gazteleraz.

María Solana Hezkuntzako kontseilariak iragan azaroan aurreratu bezala, oposizioen deialdia 2018ko apirilean argitaratuko da beranduenen, eta 2019ko ekainean izango dira probak; hala, erantzuna emango zaie azken hilabeteetan hainbat bitarteko irakaslek eta sektoreko sindikatuk egindako eskakizunei.